



7 Februari 2013
7 February 2013
P.U. (A) 41

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH CUKAI PENDAPATAN (PENGEQUALIAN) (NO. 7) 2013

INCOME TAX (EXEMPTION) (NO. 7) ORDER 2013



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA CUKAI PENDAPATAN 1967

PERINTAH CUKAI PENDAPATAN (PENGECUALIAN) (NO. 7) 2013

PADA menjalankan kuasa yang diberikan oleh subseksyen 127(3)(b) Akta Cukai Pendapatan 1967 [Akta 53], Menteri membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Cukai Pendapatan (Pengecualian) (No. 7) 2013**.

(2) Perintah ini disifatkan telah mula berkuat kuasa dari tahun taksiran 2011.

Tafsiran

2. (1) Dalam Perintah ini—

“aktiviti yang layak” ertinya apa-apa aktiviti yang berikut, dijalankan oleh orang yang layak dalam Kompleks RAPID:

- (a) pengadunan, memproses atau pemecahan minyak mentah, kondensat, suapan atau suapan pertengahan;
- (b) pengeluaran, pembuatan atau pembangunan keluaran petroleum, petrokimia, kimia, produk pertengahan, akhir atau pengeluaran berkaitannya;
- (c) penyimpanan, perumusan, pengadunan, pengagihan atau pemasaran petroleum, petrokimia, kimia, produk pertengahan, terakhir atau pengeluaran berkaitannya;
- (d) pengegasan semula LNG kepada gas dan pengagihannya relevan; atau

- (e) penjanaan, pengagihan atau jualan semua bentuk utiliti termasuk tetapi tidak terhad kepada elektrik, air, wap, gas, hidrogen, udara atau pengolahan bahan buangan;

“Kompleks RAPID” ertinya kompleks yang mengandungi loji pemecahan cecair, loji penapisan, loji petrokimia atau pengeluaran kimia dan semua kemudahan sokongan dan tambahan termasuk tetapi tidak terhad kepada cecair gas asli (LNG), Terminal Penerimaan dan Pengegasan Semula (RGT), loji berkuasa COGEN, kemudahan penyimpanan atau kemudahan pengolahan bahan buangan, dan terletak di Pengerang, Johor;

“orang yang layak” ertinya—

- (a) Petroliam Nasional Berhad;
- (b) mana-mana syarikat lain yang diperbadankan di bawah Akta Syarikat 1965 [*Akta 125*] yang Petroliam Nasional Berhad memegang sekurang-kurangnya 51 peratus modal berbayar dalam saham biasa; atau
- (c) mana-mana syarikat lain yang diperbadankan di bawah Akta Syarikat 1965 yang menjalankan aktiviti yang layak dalam Kompleks RAPID yang Petroliam Nasional Berhad memegang, sama ada secara langsung atau tidak langsung, saham biasa di dalam syarikat itu.

(2) Bagi maksud Perintah ini, “RAPID” adalah singkatan bagi Pembangunan Integrasi Kilang Penapisan Minyak dan Petrokimia.

Pemakaian

3. Perintah ini hendaklah terpakai kepada orang yang layak yang telah membuat suatu permohonan kepada Lembaga Pembangunan Pelaburan Malaysia pada atau selepas 10 Oktober 2011.

Pengecualian

4. (1) Tertakluk kepada subperenggan (2), Menteri mengecualikan orang yang layak pemastautin di Malaysia daripada bayaran cukai pendapatan berkenaan dengan pendapatan berkanun yang diperoleh daripada aktiviti yang layak dalam Kompleks RAPID bagi tempoh lima belas tahun taksiran berturut-turut bermula daripada tahun pertama taksiran dalam tempoh asas orang yang layak memperoleh pendapatan berkanun daripada aktiviti yang layak itu (selepas ini disebut sebagai “tahun taksiran yang dikecualikan”).

(2) Pendapatan berkanun yang disebut dalam subperenggan (1) dalam tempoh asas bagi tiap-tiap tahun taksiran hendaklah ditentukan selepas memotong elaun yang boleh diberikan di bawah Jadual 3 Akta walaupun tiada tuntutan untuk elaun tersebut dibuat.

(3) Dengan syarat bahawa jika aset yang digunakan bagi maksud aktiviti yang layak yang disebut dalam subperenggan (1) juga digunakan bagi maksud suatu aktiviti selain daripada aktiviti yang layak itu, maka elaun yang boleh diberi di bawah Jadual 3 Akta hendaklah dipotong sebagaimana yang munasabah dengan mengambil kira kepada setakat mana aset itu digunakan bagi maksud aktiviti yang pertama disebut.

(4) Tiada apa-apa jua dalam subperenggan (1) boleh dibebaskan atau disifatkan telah membebaskan orang yang layak itu daripada mematuhi apa-apa kehendak untuk mengemukakan apa-apa penyata atau penyata akaun atau mengemukakan apa-apa maklumat lain di bawah peruntukan Akta.

Kerugian

5. (1) Apa-apa amaun kerugian larasan yang dilakukan sebelum atau semasa tahun taksiran yang dikecualikan hendaklah dibawa ke hadapan dan dipotong terhadap pendapatan berkanun bagi aktiviti yang layak yang disebut dalam subperenggan 4(1) dalam tahun selepas tahun taksiran yang dikecualikan sehingga aktiviti itu telah menggunakan semua amaun kerugian larasan yang ke atasnya yang ia berhak.

(2) Sekian banyak daripada kerugian larasan yang telah digunakan untuk mengurangkan pendapatan berkanun bagi aktiviti yang disebut dalam subperenggan 4(1), dalam tahun selepas tahun dikecualikan tidak boleh diambil kira bagi maksud subseksyen 43(2) dan 44(2) Akta.

Pemakaian potongan bagi penggalakan eksport di bawah Akta Penggalakan Pelaburan 1986

6. Bagi maksud mengira pendapatan larasan daripada aktiviti yang layak yang disebut dalam subperenggan 4(1), suatu perbelanjaan yang akan dibenarkan sebagai suatu potongan dalam tahun taksiran yang dikecualikan di bawah seksyen 41 Akta Penggalakan Pelaburan 1986 [Akta 327], hendaklah dikumpul dan amaun agregat perbelanjaan itu hendaklah dibenarkan sebagai suatu potongan dalam tempoh asas pertama bagi suatu tahun taksiran selepas tahun taksiran yang dikecualikan itu.

Pemakaian potongan bagi penyelidikan di bawah seksyen 34B Akta

7. Bagi maksud mengira pendapatan larasan daripada aktiviti yang layak yang disebut dalam subperenggan 4(1), suatu perbelanjaan yang akan dibenarkan sebagai suatu potongan dalam tahun taksiran yang dikecualikan di bawah seksyen 34B Akta hendaklah dikumpulkan dan amaun agregat perbelanjaan itu hendaklah dibenarkan sebagai suatu potongan dalam tempoh asas pertama bagi suatu tahun taksiran selepas tahun taksiran yang dikecualikan itu.

Pemakaian potongan bagi latihan yang diluluskan

8. Bagi maksud mengira pendapatan larasan daripada aktiviti yang layak yang disebut dalam subperenggan 4(1), suatu perbelanjaan yang akan dibenarkan sebagai